

國家圖書館藏

中華歷史人物別傳集

綫裝書局

嘉慶戊寅年鑄

金陀祠事錄

鼓倫堂藏版

金陀祠事錄序

宋嘉定中岳鄂王孫鄴侯領嘉興軍事於郡西南金陀坊別墅跡王實事為史所紊舛者成金陀粹編後子孫有家金陀者顯明萬厯朝曰石帆曰石梁曰石鐘就坊起祠祀王且祀鄴侯蓋以王之忠至鄴侯而始大白云余撫浙時王之廿三世孫茂才鑑因故祠久湮址亦不可復得迺於官給

序

仁文書院故址重建祠以奠王與鄴侯之神及侯臣下附焉仍其名曰金陀祠復輯金陀祠事錄八卷乞序於余余惟王之忠藉金陀一書而愈著至今俎豆徧天下雖婦人豎子道王故事如數家珍然而茂才於數百年頽而不可復振之舉與其祖若父欲振而不能卒振之志而一旦廟貌聿新若是是不特足徵王食賢子孫之報亦

司世風者所不容默也已是為序
道光二年歲在元默敦牂天中節後一日
太子少保兵部尚書兼都察院右都御史
總督兩廣等處地方提督軍務兼理糧餉
加三級儀徵阮元拜撰



序

二

金陀祠事錄序

郡之金陀坊為岳氏故里自王嫡孫知嘉
興軍始其請建專祠於來自明萬厯間十
八世孫石鵬石果石鍾三公始創後祠毀
於兵燹址入為官地幾二宇不可復識矣遲
之又久以一人之力不憚其勞不惜其費歷
數十年如一日卒能承父志述祖德廟貌

序

一

重新典禮備舉則今二十三世孫茂才鑑
為之也嗚呼可不謂賢歟蓋嘗論天生非
常之人建非常之業必當食非常之報形
或有報有不報或不報於生前而報於身
後或報以一再世而報已艾或報以數十百
世而報於未及艾凡以視乎其人而已王宗
剛大之氣塞天地而常伸矢精白之忱昭古

今而若揭誠有如蘓子所云不依形而立不恃力而行不待生而存不隨死而亡者又曷嘗計及於身後之報與報以數十百世而猶未有艾哉然之多知獲報之理必不中絕且足以決王之樂享其報也聰明正直之神功施及民則有祀當宋高宗時主和議者固多是論即主我興師任隆吉

序

二

間不皆具運籌帷幄之謀決勝千里之智者也設如王盟心淫背公爾忘私料敵如神戰戰以克不獨大河以北盡喪於金恐東南半壁亦危宋弓矣然則聰明正直如王而何功施及民舍王奚屬哉今夫大節之既彰也可振興其頑懦民依之歸厚也生感發其性天以王之靈推成已足以成人

推教一世者以教萬世使四方主廟之地瞻懷補謹好曉威懷然於王之明威在其目中惕然於王之陟降在其意中恍然於王之既忠且武為千古人臣之極則若邪之謂之師之慕之以新樹立於電勉行事中豈如王之所深快哉又況繼之絕代生賢結思水源与木本由近而遠

序

三

宗報以俎豆報以馨香其為王所憑依而昭鑒於尤確然無疑者故曰獲報之理必不中絕且有以決王之樂享其報也余以己卯冬出守是郡閱歲茂才來謁出所輯金陀事錄並問序焉竊惟王之切烈心跡照人耳目史論具在亦信尤詳彞測管窺豈敢後贊而獎我勸善則守土者所不敢

竊謹就天人可位之理子孫繼緒之賢據其
大旨如此至事錄一書體例謹嚴搜採宏
富於纂述至事蹟而外溯啓忠之淵源
列附位之支系詳配享之十賢三教以
妥忠魂以先家乘洵足與鄴侯碑編水
軒薈萃諸刻並垂不朽云

嘉慶二十有五年歲次庚辰秋七月

序

四

誥授朝議大夫知浙江嘉興府事前吏部文選

司掌印郎中隨帶加二級丹桂素渭鍾
拜序



金陀祠事錄序

獻自總角入鄉塾聞父老談宋岳忠武王事
輒憤惋太息長讀宋史及沈覽稗官家言始
悉其詳迨官浙江至杭州得拜王墓於棲霞
嶺下而官轍所至又率皆王提戈往來經畧
處未嘗不感嘆王之忠義貫日月彌宇宙歷
千百世而不可磨滅者也蓋嘗論之宋高宗

序

一

之即位改元也王官武翼郎上書請親帥六
軍北渡以復中原忤汪黃輩以小臣言事棄
職歸詣河北招撫使張所所待以國士與論
時事王慷慨流涕曰今日之事惟有迎二聖
復舊疆以報君父耳嗣後屢立戰功勲名日
盛而銳意恢復不主和議始終無負其言夫
以宋之偏安海隅使非王復建康定江浙以

措拄其間則金人又將長驅大江之南區區
小朝廷且無以自保則王之不克直趨京洛
復河北故地固千古之憾而南渡之半壁苟
完翳誰之力胡當時之君若臣曾未一念及
此匪直此也宋自靖康以後盜賊日熾據地
寡擊衆所向無前嶺表襄漢湖湘以次悉平

序

二

當是時使非王剗削禍亂則羣盜毛起且不
可支何必北敵稱兵始慮覆亡哉蓋李成張
用楊么等之與金人自王視之皆疥癬可治
之疾耳若賊檜之虞心積慮以成寃獄高宗
直自潰其腹心雖以王之純忠又安能濟王
之孫曰鄴侯守嘉禾郡遂世居金陀坊前明
有裔孫兄弟三人咸為達官始創王祠于郡

城之西郭外後屢脩屢圯而祠基遂不可復
王之二十三世孫茂才鑑力成父志復移建
於仁文書院故址竭三十年之經營而廟貌
巍然屹立足垂久遠呈請大府咨部復春秋
祭有司官歲加防護嘻其用心亦勤矣 散承
乏斯土每經祠下低徊留之不能去茂才刊
金陀祠事錄成辱承問序 散即以前昔之所

序

三

嚮往私論者謹揭簡端知無當于王之大節
萬一也茂才於祠事區畫盡善具載於編當
有賢子孫世世守之勿替其真無忝為王之
裔也夫

嘉慶二十五年歲次庚辰暮春知浙江嘉興
縣事北平趙散謹序



金陀祠事錄序

宋岳忠武王河南湯陰人也自王孫鄭
廣素領嘉興軍事遂家於郡之金
陀坊府後繼之繼之世濟其英歲已已
系承之斯王之二十三世孫茂才繼之勉
承父命竭卅餘年心力為王營建祠
宇捐立祭田呈請旌表余心重之康

序

一

辰弟再任福州茂才去金陀祠事錄
明法制肅禮儀春秋匪懈享祀不
忒問序於余余以王之忠義昭如日星
我

朝恩隆展祭

天語褒嘉闡揚殆盡制史策傳之歷代
棠之古今士大夫無不歌之頌之夫後

何言夫惟古名臣大節大義精誠

振山嶽忠魂泣鬼神固宜血食萬
年光騰四表而廟祀之不絕者亦賴
賢裔世守弗失茂才獨置祭田派
衍精忠之緒新新寢廟志承堂構
之謀臣人傑也哉傳曰明德之隆
必有達人又曰公侯子孫必復其始信

序

二

哉余仰王之忠義雖不能生達其
時親炙其采賄班廟貌巍巍我子孫
享祀馨潔馨香之報益嘆歷久而
弥彰也嗟乎為政者以敦本善俗勸
學作忠為要務而先後知秀水事
氏之素頑不一良楷不同若忠武王
是存千古大道扶西間正氣其後

嗣後子鑑者崇本敦孝亦可以為一
邑風也是為序

嘉慶二十五年歲次庚辰仲夏和

洪江秀水縣事野江李品鑑謹

撰



序

三

金陀祠事錄序

嘉禾祠忠武岳鄂王自前明萬歷間
王之裔孫尚書中丞銀臺三公相繼
崛起始表建專祠西郭外且以鄴侯
附焉鄴侯王三子續忠侯之子宋嘉
定中知嘉興軍事勸民農桑多惠政
暇輒屏居郡西南金陀坊著輯籲天
辨誣天定錄諸書額曰金陀粹編是

序

一

也當是時朝廷雖已有昭卹之典然
自賊臣父子主國史文致其誣如謫
潮陽一節者嗚呼既以莫須有冤王
于生前復以跋扈冤王于天下後世
設無鄴侯籲天一疏而王之精忠貫
日星昭河岳者後人且將惑焉是則
非鄴侯之孝曷以顯王之忠歟自宋
以來王之廟祀徧天下郡縣勅建者

則武林武昌而湯陰江州朱仙鎮桃
山里或戍裔或駐師或故邑倚廬之
所在他若祀王為民祈福者未易一
二數吾未鄴侯之所治甘棠之化民
歌舞之而又為尚書諸公聲裡崇祀
宜王所來格來饗者特是祠經兵燹
廟貌傾圮過者憫焉中丞公來孫明
之茂才鑑承嚴命矢維新鳩工庀材

序

二

銖積寸累閱三十寒暑而重建王祠
有殿有廡有橋有坊有碑有額輪焉
奐焉復又置田畝以資經費設規條
以戒來茲俾世世享祀勿替嘻何規
模之宏且遠也惟王嶽降嵩生忠孝
文武悉闡至性而卒抱沉寃是天未
欲靖中原也而王之精靈萬世如一
日所謂浩然之氣塞乎天地之間者

非耶不然天之眷王胡不於其身而
於其子孫鄴侯繼承于前尚書諸公
續紹于後箕裘世澤俎豆莘莘而茂
才殫瘁心力卒克繩其祖武非彼蒼
之報施烏能至此哉傳又曰三世為
將道家所忌若王之愛惜士卒非韓
彭以下所能竝者所以同其寃而異
其報理或然也祠既落成茂才因刊

序

三

金陀祠事錄若干卷問序于余余因
即所覩記者敬書其略云爾
嘉慶二十四年歲在己卯十月之吉
賜進士出身嘉興府學教授卓異加
一級不溪車宸英頓首拜誤



金陀祠事錄序

忠武岳鄂王宋稱中興四將之一豈知王忠孝文武昭日月而懾華夷精誠所矢即古賢將皆弗逮焉南渡君臣狃安半壁自隨長城乃猶侈言中興寧非王之深恥耶明初於歷代帝王廟配享宋太祖而王之心白矣昔人有議褒崇當與關聖並祀天下州邑亦謂王赴義負冤不

序

一

如是未足服千古痛心而扶兩間正氣誠非言之過也宇內廟祀惟武林武昌宋建賜額若江州之因廬墓湯陰之在故里朱仙鎮以駐師桃山里以遷商嚴事為盛他更不知凡幾吾未有祀自王孫鄴侯領嘉興軍事僑居金陀坊編書始戾元孫宋末主事娶禾之程仍居故第元明以來支系多散處長水濮川魏塘間坊舊有昭忠書

院萬厯中石帆石梁石鐘三公奮起於朝

題建專祠西郭外並祀鄴侯遂為禾中令

典嗣燬兵燹址入於官徙建石帆尚書講學

舊基經始旋輟過者慨焉石梁中丞朱孫

明之茂才鑑勉承父命獨矢鼎新權盈縮

殫心力寸椽片瓦銖積黍累餘三十寒暑

以次締興塑像列祀視杭為具體且置祠

產營市廛為歲費昭妥侑而勗繼繩信所

序

二

謂克世其家者歟嗚呼惟王天植至性通左氏春秋學言論章奏巖巖有儒者氣象罹奸毒後邦誣雪矣國邱彰矣廟食崇矣而未遂之志不氓之靈亦足告慰願天之篤眷於王既昌其後復予以賢俾所祀之區世各有負荷者修舉廢墜以永馨香之報而茂才守易簣之訓恢肯構之模不恤歷諸艱而底于成若有默相者觀於此益徵天人交感之

理至微而至顯有若是哉則斯舉之足以
敦本善俗足以勸孝作忠亦王精誠所為
引之弗替也矧派衍續忠書成傳信未實
靈爽憑依之地則來游來格當必捍衛災
患翊贊

聖化於海隅率被之表夫豈徒金陀世紀
與史策垂諸不朽也哉予獲交茂才心折
已久落成日出祠事錄問序曰即向所考

序

論者敬識簡端

嘉慶七年歲次壬戌春

賜進士出身吏部稽勲司主事前內閣中
書舍人 武英殿四庫全書詳校軍機處

方畧館全書分校

內廷纂修加二級里人沈叔埏拜撰



金陀祠事錄

例言

一王廟祀所在皆有其編輯成書者亦多志則湯陰廟志忠烈
廟志褒忠錄精忠志忠佑廟志桃山廟精忠類編岳廟志略
集則徐文貞公階岳集西江忠武王集茅元儀遺文軍制繪
圖全集單恂編岳王詩文集黃邦寧刻岳忠武王集此又在
金陀舊萃續昭忠錄之外俱流播藝林世所共觀雖詳略互
異其有裨於史傳通鑑者靡不賅備今於金陀衍派肇復崇
祠自宜就祠言事無庸泛引以歸簡要

一王自卹贈加封宋室及明秩祀已著我

金陀祠事錄

例言

朝褒寵恩隆疊荷

巡幸展祭

睿製宸章闡揚忠孝下逮王孫

雲漢昭回超邁前古恭錄

天章於首世世當感頌興起勵志於勤學敦行繼繩先緒焉

一追復晉封各敕告有宋四朝為典最渥編溯衍福所自來亦
當詳載其他旁及不敢泛登

一王本傳宋史俱就章穎經進傳稍節成篇實皆金陀編年行
實顯天辨誣之言今合史傳及章傳志刻本輯為傳略以期
詳簡得宜惟以後裔而動輒稱諱心實難安謹依精忠類編

例俱易王字讀者幸爲垂亮

一祠崇專祀旁建支祠亦本故明郡紳耆籲請爲鄴侯補謚立祠遺意而金陀舊里向有昭忠書院久廢祠僅于倦圃金陀別館仍列祀鄂王鄴侯是遊觀觴咏之區後世之人猶于忠烈孝思感慕不忘則有支祠以遞及累世嫡裔不嫌素越惜鄴侯遺像末由考索

一王子五侯及孝女王孫鄴侯史乘廟志均無列傳又諸志遺集間紀配位多寡不一亦少傳載現循杭郡舊例分祀義勇及辨獄訟冤之十賢翊忠之三義士史僅有部將並趙韓史何八傳餘皆無由考見今於粹續二編程史通鑑典籍中徧

金陀祠事錄

例言

二

爲掇拾各補傳略事語均有依據不敢稍參臆說致蹈虛妄並加按語析疑摭軼

一續忠侯以文資海歷顯要好學能文與沈約父張南軒朱文公同官交契誼訓爲嚴而遺文久失鄴侯著述最富亦多散佚嗣後代有聞人今擇表闡先烈兼及祠事宗支者專輯世述深望克踵其後

一金陀宗派散處繁多向無統宗全譜高伯祖兄弟皆顯仕中外僅就灼知者著爲世譜餘概闕如今踰百數十年力更難於訪尋仍刊世譜續以往來周悉後裔而嫡支則已分位列耐庶鑑後子孫數典不忘守祠弗替覽者幸弗責漏遺凡遠

近支裔出有譜系可據者當續爲補輯

一正祠祭器祭品儀物祀產俱列入祠祀類中其支祠改撥已田七十畝爲祠墓祭修等費以識馨潔虔恭傳貽永久庶無廢輟之虞又子弟輩力欲將鑑撥分膳田存公營運積累擴充再置義田仿照范莊舊例俾一經支庶後免無告鑑竊心喜而題其議具於記跋嵌壁規條

一自南宋元明以來凡論述王之忠孝事實智謀勇略文章歌詠及於雜紀遺聞編輯各志繁複孔多不及徧登茲附文辭紀載二類亦擇各家所罕覩者稍存區別

一宋之賢臣義士訟冤請卹不止十君三子宋史新編姓氏大

金陀祠事錄

例言

三

全及各省志乘俱載有其人事蹟應於杭郡配祀外就所搜考續具諸按語中以免湮沒猶望博雅宗工教所未逮

一廟志諸刻間有錄王詩文未免漏略金陀編刊經進家集亦未搜全今墨蹟石刻題識諸製作散見各省郡邑志及羣書中斯錄固不敢褻附向俟採輯全編卽鄴侯亦罕全集均期博聞廣見君子惠視珍藏實深感幸

嘉慶二十一年丙子秋九月二十三世孫鑑謹識

金陀祠事錄卷目

二十三世孫 鑑輯

二十三世孫 鎮銚

二十四世孫 鴻振 同校訂

二十四世孫 鴻達 同校訂

二十四世孫 鴻業 同校訂

二十四世孫 鴻仁 同校訂

二十四世孫 鴻志 同校訂

二十四世孫 鴻章 同校訂

二十五世孫 廷桂 同校梓

卷首

金陀祠事錄

目錄

一

天章 附

論祭文
四庫書目提要
敕告

卷一

祠宇全圖 像贊 祠祀 祭品 規條 祠產 器具

卷二

傳略上

卷三

傳略下

卷四

傳略附

卷五

世述

卷六

宗譜 附支祠 附位 祭產 支系 義田

卷七

文辭

卷八

紀載

金陀祠事錄

目錄

二

金陀祠事錄卷首

浙江嘉興府學生員郭至十三世孫 恭輯

卷首之一

天章

高宗純皇帝御製文

岳武穆論

夫北宋之亡河北之失宋祚之不復振中原之不恢復人皆曰由徽欽而致然高宗實難追其責焉當徽欽北去社稷爲墟高宗入援順人心而卽大位非不正且大也及卽位之後當臥薪嘗膽思報父兄之讎而信用汪黃貶黜李綱不復以河北中原

金陀祠事錄

卷首 天章

一

爲念豈非高宗庸懦用人不察之過哉其後諸將用命岳武穆以忠智出羣之才率師北驅所戰皆克而以金牌十二召之班師淮北之民遮馬痛哭曰相公去我輩無噍類矣然而武穆亦不得以自留也夫如武穆之用兵馭將勇敢無敵若韓信彭越輩類皆能之乃加之以文武兼備仁智並施精忠無貳則雖古名將亦有所未逮焉知有君而不知有身知奉君命而不知惜己命知班師必爲秦檜所構而君命在身不敢久握重權於封疆之外嗚呼以公之精誠雖死於檜之手而天下後世仰望風烈實可與日月爭光矣獨不知爲高宗者果何心哉

五經萃室記

事雖大而無關於天理人心之正者不可炫其有文而爲之記事雖小而有關於天理人心之正者不可憫其無文而弗爲之記茲五經萃室之記蓋有合於後之所云者五經之有關於天理人心夫人之所知也而謂其事小者徒以萃宋時岳珂所刻之五經故曰小然而六百歲之間分之復合散之仍聚則其事亦不謂小而況闡敷大聖人之精微示天理正人心斯可憫其無文而弗爲之記耶岳珂所刻之五經奈何蓋自乾隆甲子時晉萃宋元明三代舊版藏之昭仁殿名曰天祿琳琅其時卽有岳氏所刻之春秋未詳其所由來亦不過與別部春秋一例載之天祿琳琅之書而已茲復得岳氏所刻易書詩禮記四種而

金陀祠事錄

卷首 天章

二

獨闕春秋因思天祿琳琅中或有其書命細檢之則岳氏之春秋故在其版之延表分寸無不脗合而每卷之後皆有木刻亞形相臺岳氏刻梓荆溪家塾印大小篆隸文楷書不等且每頁之末傍刻篇識如易之乾坤卦書之堯舜典之類其用心精而紀類審卽宋版之最佳者亦不多見也至於收藏家則易書詩蓋同經七八家而略有異藏禮記者四家藏春秋者三家夫岳氏之書既分而合幸合則不可使復分但天祿琳琅之書久成所錄諸書皆以四庫分類架貯昭仁殿其丙申以後所獲之書別棄於御花園之養性齋以待續入茲徹出昭仁殿之春秋以還岳氏五經之舊仍卽殿之後廡所謂慎儉德室者分其一楹

名之曰五經萃室都置一凡是舊者固不出昭仁殿而新者亦弗闢入舊書中似此位置可謂得宜吾因思之位置一切政務亦能如是胥得宜乎所謂得宜者亦有合於天理人心之正而不違五經之旨乎刻書家多矣若茲分而復合者蓋少遂命選善書者如影宋鈔之例通鈐其五經正本以壽世而公來者吾於是慨武穆之忠而喜其有文孫承繼家聲也又恨宋高宗之信奸相忘復讎而自壞其長城也又謂天之報施善人固不爽而司馬遷怨尤之語誠不足爲信史也

高宗純皇帝御製詩

乾隆十五年庚午

金陀祠事錄

卷首 天章

三

聖駕巡幸河南

岳武穆祠

翠柏紅垣見葆祠羔豚命祭復過之兩言臣則師千古百戰兵威震一時道濟長城誰自壞臨安一木幸猶支故鄉俎豆夫何恨恨是金牌太促期

乾隆十六年辛未

聖駕巡幸浙江

岳武穆墓

讀史常思忠孝誠重瞻辛木拱佳城莫須有獄何須恨義所重人死所輕梓里秋風還憶昨

去歲巡豫過湯陰乃其故里

石門古月鎮如生

夜臺猶切偏安憤想對餘杭氣未平

乾隆二十二年丁丑

聖駕再巡浙江

岳武穆祠

陣戰會輕兵法常紹興亦委設施方操戈不謂興張俊納幣終成去李光何事書生叩馬首遂教名將飲魚腸至今人恨分屍檜宰樹餘杭萬古芳

乾隆二十七年壬午

聖駕三巡浙江

岳武穆祠

金陀祠事錄

卷首 天章

四

黃龍直抵氣崢嶸燕以南金令不行正可乘機事恢復誰知虛力費經營愛錢切中文官病怕死曾經武士生萬里長城空自壞至今塚樹恨難平

乾隆三十年乙酉

聖駕四巡浙江

岳武穆祠

褒嘉手敕是誰言何致終銜不白冤戰必驍騰驚北騎地爭尺寸守中原持身忠總根於孝撫士威還濟以恩生世漫悲纔卅九千秋英氣兩間存

乾隆四十五年庚子

聖駕五巡浙江

岳武穆祠

相過必紀詩忠勇實嘉之屈死夫何恨每生豈肯爲存心義有素報國志無移飛白會觀諭由來情見辭內府藏宋高宗付岳飛手敕云卿盛秋之際提兵按邊風霜已寒征戰良苦如是別有事宜可密奏來云云初無督令恢復之語其願與金國議和之意已隱然言外矣

題五經萃室岳珂宋版五經

經天行地精華統備於三才合璧聯珠美富集成於一室蒼數聖人之實訓全帙重完收千載上之遺文新題式煥溯自相臺鏤刻名重荆溪天祿搜羅版留岳氏顧麟經久歸部目而戴記續入鑒藏偉茲四庫之全更獲五經之萃驗標名於

金陀祠事錄

卷首 天章

五

篇頁易詩書契刻皆符審印字於鈐題篆隸楷規模悉肖經七八家而收藏可證閱六百歲而分合堪稽爰因慎德之後楹更出昭仁之祕本書仍舊簡羅函排鱗次之觀楣煥新顏堆几翕雁行之序緬流傳之復合道必因文愜位置之咸宜學還喻政忠良翊運惜當時自壞長城謹厚傳家喜後嗣克稱肯構復旦光懸日月朗映西山聚垣數應星辰勤披乙夜吟成七字摘唐律而珍護繡細弁以五章影宋鈔而壽貞槩棗從此觀瀾觀海範圍綜百氏菁英庶其是訓是行什襲貽萬年典則

義文萬載萃精神日用尋常卽化鈞義漏朱家緣後代刻本內無朱子

本義蓋以生於後其時刊本尙未行世耳注傳王氏弼以前人韋編堅矣今何在紙牘脆哉茲尙珍我豈善言言豈敢手胼口沫意猶諄

右易經

五經無不帝王師切已端惟謨典詞自幼服膺驚老矣曰言熟口愧行之徒成今日還明日空作念茲仍在茲岳氏相臺書復合文昌呵護信稱奇

右書經

刪詩書子所同諳論語惟詩獨屢談必也性情養有正斯於政事布無慙體殊大雅與小雅爲在周南及召南恰喜五經兄弟翕粹茲一室樂和湛

金陀祠事錄

卷首 天章

六

右詩經

家塾荆溪宋梓間相臺會刻五經文舊收天祿春秋獨天祿琳宋版經部五經內惟春秋乃南宋岳珂所刊卷末有相臺岳氏荆溪家塾木記紙墨刻工各極精善其餘四經皆不能逮也續合豐城四部羣近日得宋版周易尚書詩經禮記四部均有相臺岳氏木記與天祿弄藏春秋係一時所刊五經萃聚真不啻豐城之合耳吳楚已夷狄以視桓文斯正誦之分尊王誰識宣尼旨廣義豪釐謬實紛麟經據事直書而大公至正義旨明商輅等撰通鑑續編周禮續爲發明張時泰又續爲廣義附刻於後誣白爲黑紕繆尤甚因命皇子及軍機大臣等詳閱畧爲刪潤去其謾罵復親加核定以符孔子春秋之例並題辭簡端昭示千古

右春秋

禮樂貫乎天地人斯須不可去諸身雖會一戴藩籬涉實異三

經饜飲醇易書詩自幼背讀成誦禮記春秋則捨此無能爲治

主幸其有後繼忠臣岳珂爲岳飛之孫霖之子曾官寧宗朝生

塾世其家聲益信周官法度如行者意在闢雖與趾麟

右禮記

乾隆四十九年甲辰

聖駕六巡浙江

岳武穆祠

六番經古墓無不著吟頻武更文雙濟忠兼孝兩真洞猶金鼓
作世早宋元湮新得五經萃欣他有後人

嘉興道中詠古

金陀祠事錄

卷首 天章

七

岳珂故宅

太守因之寓郡城金陀坊裏尙存名五經萃室珍遺帙宋嘉定
守嘉興後寓居郡城金陀坊有金陀粹編疑此宅中錢版行

御書賜扁

偉烈純忠

今上皇帝御製詩

題岳武穆王墓

獄成三字竟無由南渡偏安實可羞自許終完君父事何期反
結相臣讎陳湯尙有冤同訟伍相空餘怒未休霜雪不凋雙橘
樹攢宮悽惻朔風秋

諭祭文

聖駕巡幸河南遣官致祭

文曰惟爾公忠秉性智勇超倫研經旨於春秋兼括孫吳之術
報師恩於朔望常彎左右之弓背刺精忠躍馬而江淮電掃旗
張岳宇舉鞭而襄漢塵清辛勤百戰之功方見焚香遮道憤惋
十年之績頓聞奉詔班師夙志未酬竟受一朝之誣陷英風猶
在宜崇奕禩之明禋朕遵典巡行道經湯邑緬威靈之赫濯祠
宇長新飭邊豆之苾芬官司特遣尙其昭鑒來格來歆

聖駕巡幸浙江每次遣官致祭

文曰惟爾靈鍾川嶽忠貫日星奇質挺生早裕韜鈴之略英才

金陀祠事錄

卷首 諭祭文

八

間出允揚熊虎之威勞百戰以摧鋒軍稱難撼規兩河而卻敵
志在長驅天鑒丹忠知精誠之未邈神棲碧落儼浩氣之常存
朕時邁南邦巡行浙水映堦草色曾觀舊廟於湯陰遶徑松風
更撫遺阡於湖嶼爰修秩祀用遣專官靈如有知尙其歆格